

RIMKIENĖ NIJUOLĖ

* * *

Jūruo — audra...
Negousk monėst!
Pošés véina élgaa nelaikys.
Atménai vlesola?
Vérta jaunesnés, stépresnés...
Negousk!
Jūruo — audra...
Šérdie — nevéltes...
Negousk!
Akménai dédéli nuorio nostumtē nu savés.
Aplinkou — naktés.
Negousk!

* * *

Mon trükst tavés.
Ronku. Stépriū ir švelniū.
Apkablink.
Nuramink.
Žvilgsnio. Bučento.
Aš jauto —
Išsviesl dalelė monės.
Ir lieks mintys tuolyn.
Viel bus neréms,
Élgs laukémis.
Ir žuodee...
Nedrysto aš anū ištartė...

* * *

Tava varda neklauso.
Žuodiu nebova.
Bova déinas ir žvilgsnee...
Lékémé!
Niekor nebileglio.
Klausyslo tik šauksma!
Priséglausio Ir jauslo,
Ka tik mes,
Véns kéta pažéné,
Torem teisé sakyté,
Kas geraa, vuo kas ne.

* * *

Metaa...
Vis retiau anus skaitlioujo.
Déinas...
Kaap laukam ateinontiu!
Nesosémaastuom,
Palydiedamé anas.
Adynas...
Kuokés trapés anuos,
Nesolalkuomas.
Ménotés...
Sekundés...
Akimirkas...



Gémiau 1934 metu lapkrétė 20 déina Šiauliū miesté. Abodo mona tievelee žemaitee muosledéškee. Neélga bovuom lalmingé. Kaa užéjé rusaa, paskiau vuokytee, gyvenuom Muosledé valsčiou. Bet ni če nepavyka nu vésu bledū pabiegté. 1948 metaas rusaa tievelius išvežé i Sibéra. Aš tumet pri géménili glaudiaus, bet ér muni po kuriuo laika 10 metu i lagerius pasiunté — rada mona parašytu eilieraštiu aple Lietova. Bet greitaa mérė Stalins ér 1955 metaas muni paleida. Išvažiavau pas tievelius. 1959 metaas so anaas gryžuom i Lietova, bet tén mūsa nieks nelauké. Pasokuom i Latvédé. Tén lig pat 1966 metu ér gyvenuom. Sogryžé i Lietova, apségyvenuom Vidmantüs. Dérbaus tuo üké kultūras nomū dërektuoré. Daug metu Vidmantū puolkuorénom ansambliu vaduovau. So anou daug Lietovous véitu apvažiavuom, daug kor koncertavuom, žemaitéškas dainas dainiavuom. Taas metaas pradiejau ér eilieraštius, dainuoms žiodius korté. Ne véinam iš anū yr možéka parašyta ér Lietovuo dabaa dainiujemä.

1994 m. vasaré 10 d.

Douk, Deivali!

Žéima, žéima, biek iš kéimal!
Šaukiem Užgavieniu déina.
Juk kaap tarlem —
teep padariem:
Neožélgó ér išvarlem.
Veiziek, snéigénu varpelee
Braunas, stélbas i saulelé.
Vo arémüs — cyrulelé
Séda brinis skomballelis.
Skomb pri longa kuožna ryta,
Džiaugas neišpasakytaa.

Mona dūšé apledlejos,
Per tus spelgus išvirpiejos.
Pumpuraa suluos prítvinké,
Vo saulelé — šelmininké
Véstor sava tvarka dara,
Šalté muonus laukon vara.
Diekou Dievou! Išzéimuojuom,
Šeep teep išsékapanuojuom...
Douk, Déivali, gera meta,
Douk dounelés ér sveikatas.

(Nukelta i 30 psl.)

RIMKIENĖ NIJUOLĖ

(Atkelta iš 31 psl.)

Trys anūkaa

Trys anūkaa žemaitokaa
Isėštela, Isédūka,
Vert iš kuota babas "dvara",
Vėsor sava tvarka dara.
Vėsas pelkés išbraidytas,
Vėsas varlės išbaudytas,
Buočlaus varžtaa išnešiuotė,
Išsukiuotė, iškavuotė.
Gaidys tas, kor kėlimė auga,
Vobelėls galūnle sauguos,
Vo tas Micios baltoudiegis
Laksta kaap akis išdegės.
Aukėt, mona anūkelee,
Baltagalvee žemaitelė!
Džiaugas buočios, džiaugas baba,
Iš tuo džiaugsmą kep pyraga.

Rodou Žemaitėjuo

Išsvaidė spalis lapu šusni,
Ér kuožna délna lytos čež,
Vuo kuojės braida kaap po pusni,
Po auksa, vystonti pamaž.
Sukumpé žmuonės raun buruokus,
Nevez i dongo, kor "Gar-gar..."
Gargiedamas sau žousys lek.

Ar nesogryšėt, žuosys, dar?
— Sugryšma, jee Guseins Iraka
Mūsa nenugūbys so napta, —
Rokoudamas sau žousys lek,
Vuo mes paléiktam pri darbū.
Mon tink tas laiks. Ramybė tuoki,
Kaa Saulė švystelle žemaa,
Vuo jee krutietė po darža muoki,
Nebūs baisinga ni želma.

Kas besauga?

Kas besauga Tavi, kas besauga?
Oužoulala, kor palaukie, tebesaug...
Pélké akménys, kryžee pri kelé,
Per stebükla išlékos truobelé...
Dar pélekalnee sauga kaap dyva
Mūsa kalba ožgoita, bet gyva.
Viejee vakarū siaut kor nu jūras,
Ér pošelės žemaitėškaa slūrau.
Sauga žemé iš kartuos i karta,
Mūsa pruo tievui garbė ér karda.
Mes išeisem, bet mūsa valkelee
Neožmérš, kor téi slauené takelee.
Kor kuojės senuoliu klumpietas
Tuokės lėngvas, nes yr nagénietas.
Če kékvelna numyné takiell
Ér pakalbėna kuožna küllell.

Nepamérškem mes sava šakneliu,
Soséborke pri sava bruolieliu
Ér išsauguokem būda žemaitiu —
Anou gavuom kaap tlevéškés krafti.

Žemaitėška ruoda

Svelki, Žemaitiu puonaa,
bajuoraa,
Pasirokoukem šindélin mes
duoraa.
Ar mes dar gyvė, ar mes
kou galem,
Ar bérst iš mūsa makau ll
spalee?
Spaudé kryžiuokaa, smaugé
maskuolee,
Bet atsélaiké žemaitee bruolee.
Išlaiké sava papruotius, kalba
Ér šéndélin sava Tlevyné
gelbie.
Pri Parlaménta stuojé kaap
sélina
Ér nepabūga tanka ni véina.
Vuo pernaa želma kalnus
gélduojé —
Klausles net Vytauts, baisee
dyvuojies.
Iš kor, sakykét, mūsa stíprybé,
Mūsa stíprybé — mūsa vėinybé?
Vesk, Konégaikštli, sava
tarnysté
I Žemaitėjés konégaikštysté...

ROIKA VACLUOVIS

Gémiau 1937 metaas Skouda rajuona Nevuotiu kaimė. Tieva bova ükininkaa — toriejé mažne 22 hektarus žemės. Ont tuos véitas aš lig šiuol ér tebgyveno. Muosiedie bengiau 7 klasés. Tuoliu muokytéis nebibova kaap. Reikiejé eitė dérbité. Kalmé dédéle pasirinkéma nebova. Pradiejav lénkté nogara kolkuozé. Bet... Nepatéka puonams, kam riežiau telsybé i akis ér anėi muni élgaa tamé kolkuozé nelaiké. Pradiejav dérbité pas žmuonis. Iš pradiū vesus darbus dérbau, paskiau daugiau tik statybuom užséjiemiua, meistravuoja, vuo nu 1989 metu pamiegénau ér ellouté. Sava kuryba eso spausdénés Skouda rajuona laikraštis "Mūsa žuodis", "A mon sakaa?". Rašau ér žemaitėškaa. Ér kū tuoliu, tū dauglau tas darbs mon patink...

1994 m. vasaré 11 d



Bartova

Per žemaitiu miela žemé
Tek upielis Bartovuos.
Nieks anam dainū nekūrė,
Nieks nekvaršéna galvoos.
Paupie, svyruoklie glousnie,
Tik lakštingalas géduos,
Pakraštees žyd poikés kvietkas,

Nerš žovelės séitovuos.
Poikés plaukiuo golbės baltas,
Kaap iš kuoké gipsa kaltas.
Ondéns paukštems — tékros ruojos.
Anus sauga nu pavuoju.
Vingoriouk to, Bartovelé,
Lig pat jūras élga kieli.

Mes pri tavés prisiglausem,
Vardo muotinas pašauksem.
Jee bebiegdama nuvargsi,
Tavi atgaivins raselé.
Jee sokaustys stuoré ledaa,
Ištirpins šélta saulelė.